

Brame

Duve ne piglia la to vita
Duve si ciotta è si ne và
Cum'è bellezza ingaladita
U granu vechju à suminà

Duve ne piglianu li ghjorni
L'ora chì passa è lu piacè
Cum'è l'età senza ritorni
Cum'è la neve in vintitrè
Cum'è la neve in vintitrè

Aiò lesciateli campà
Sonnii d'avvene eppo d'avà
Sò nati è volenu ingrandà
Aiò lesciateli campà

I nostri sogni prufumati
E nostre sperenze à imbarcà
Centu surrisi sbunurati
Centu parulle da inventà

U nostru versu à riturnelli
È le cantate di caffè
U volu altu di l'acelli
Sopr'à machjoni di perchè
Sopr'à machjoni di perchè

Aiò lesciateli campà
Sonnii d'avvene eppo d'avà
Sò nati è volenu ingrandà
Aiò lesciateli campà